

Guangjsih Minzcuz Bau

ganhau: CN45-0036 B.2014 Nd.10 Ng.15 liggaueq gyapngux nienz ndwengouj ngeihngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3144期

“Cingsaenz Bouxcuengh” Ciengxung Duj Va Dijyuz

“壮族精神”滋养体育之花

Duenh neix, bouh heiq moegyau yinhyoz 《Bouxnyez Fandingqdaej》 cingq youq Nanzningz Ginjyen Giyen lienzdaemh yienjok. Duenh neix cingq dwg Daih 45 Gaiq Dijcauh Siginjsai youq Nanzningz gawjhengz, bouh heiq neix hix lumj hai aen cueng ndeu hawj vunz lajmbwn rox gij vwnzva dijcauh Gvangjsih de.

《Bouxnyez Fandingqdaej》 aeu bouxmizmingz Bouxcuengh、“boux vuengz dijcauh” Lij Ningz dangguh bouxgoekgaen, gangj aen goj Ningzcai (bouxnyez coh dwg Ningz) baengh

gij “cingsaenz Bouxcuengh” “mbouj fug saw、byaij bae naj” de, youz “bouxnyez fandingqdaej” maj baenz bouxyinghyungz diemj feizswnghoj auyinvei.

“Cingsaenz Bouxcuengh” ciengxung le boux lienh dijcauh, hix hwnghoengh le gij saehnieb diyyuz Mbanjcuengh. Youq aen Yinzconh Yayinvei ngamq sat de, Gvangjsih dahsau Bouxcuengh Veiz Yungli youq mehmbwk bak mij doxdax ndawde ndaej daih’ it. Daj 2009 nienz daej, Gvangjsih laebdaeb moix bi gawjbanh

ciet diyyuzceez, moix bi cujciiz cien lai ciengz gihcwngz diyyuz hozdung, miz 50 fanh vunz cigsoh camgya.

Gek ndaej 15 bi le, Nanzningz ciepdwk Denhcin, baenz Cunghgoz aen singz daihngelh swnhleih gawjbanh dijcauh siginjsai. Neix dwg Cunghgoz dieg minzcuz daih’ it baez banh gozcising dijcauh doxdax. Youq gwnz ciengz doxdax, “duj va dijcauh” Mbanjcuengh ndaej hai ndei, “duj va diyyuz” Gvangjsih hix haihoengh.

(Luz Gunh/刘昆 Cangh Linzdauh/张林涛)

SIUSIK DINJ

简讯

● 9 nyied 26 hauh laj-byonghngoenz, Nanzningz Si Cinghsiu Gih Cangz dangz Cin Cungsim Siujyoz gawjbanh gangj goj Vahcuengh doxdax. Ndaw yozyau gungh miz 18 boux hagseng camgya doxdax. Ginggvaq haenqrengz doxbeij, haj nienzgaep Veiz Singyiz ndaej itdaengjciengj; Lij Sanhsanhsan daengj 5 boux ndaej ngeihdaengjciengj; Lij Sihyiz daengj 12 boux ndaej samdaengjciengj.

(Luz Genhing)

● Bineix duenh gozging cuengqgyaj, Yungzanh Yen sojmiz gingdenj gungh ciepekyouz 93953 vunzbaez, doengzbeij gyalai 39%; saedyienh lijyouz souhaeuj 25349791 maenz, doengzbeij gyalai 28%.

(Veiz Cujswz Vangz Yingsez)

● Duenh gonq, Ningzmingz Yen Minzcuzgiz daengz daengx yienh 13 aen yangh(cin) bae caz gauhsanhsan nem cuhsanhsan nienzgaep doenghboux hagseng maenhndei saujsu minzcuz ranzgig gungzhoj de, vih aen yienh neix guh ndei hong aeu gij cienzngeanz minzvej baihgwnz bangcoengh doenghboux hagseng neix haeujhag 27000 maenz.

(Suh Fungvah Sinh Gyahbingz)

● Ciuq gyoeksuenq, duenh gozging cuengqgyaj, Cauhbingz Yen gungh ciepekyouz 14.92 fanh vunzbaez, doengzbeij gyalai 15.5%, lijyouz cungjsouhaeuj 5356.1 fanh maenz, doengzbeij gyalai 23%.

(Liuz Feih Loz Ciyungi)

● Dangqanj, Duh’ anhsauzcuz Swciyen Minzcuzgiz gaenq fat sat le gij cienzngeanz bineix bangbouj hagseng saujsu minzcuz maenhndei ranzgig gungzhoj de, gungh fat 4.5 fanh maenz, ndawde gauhcunghswng 12 boux, moix boux 1000 maenz; dayozswng 11 boux, moix boux 3000 maenz.

(Lanz Veingoz Veiz Ganliuz)



Sanhgyangh: Doxdax Dajsiuq Doenghyiengh Duncuz Coi Swnjienz

三江：侗绣竞赛促传承

10 nyied 11 hauh, Sanhgyangh Duncuz Swciyen Dunczloz Myauzcuz Yangh youq gwnz haw Dunczloz gawjbanh hanhseiz doxdax dajsiuq doenghyiengh Duncuz, ndaw yangh 50 lai boux “mehmbwk dajsiuq” Duncuz、Myauzcuz de daenj ndangdaenj ngoenzciet, baijyienj gij dinfwngz dajsiuq doenghyiengh Duncuz sugseg de hawj vunzlai yawj, aeu neix daej angqhoh aen yangh neix laebbaenz 30 hopbi, coicaenh gij dinfwngz dajsiuq doenghyiengh Duncuz ndaej daih cienz daih. Ndaw doz dwg doxdax yienhcieg.

(Gungh Bujangh/龚普康 ingj)

Denzlinz Densidaiz《Sinhvwnz Vahcuengh》Ndae Vunzlai Gyaezmaij

田林电视台《壮语新闻》受欢迎

Denzlinz Yen Densidaiz gaen-gawq gij cingzvang ndaw yienh miz haemq lai bouxgeq nem mehmbwk rox saw noix、roxyiuj seizsaeh cwngci nem cwngcwz hawj vunzlai souh’ik haemq hoj, daj bineix 6 nyied co gvaqdaej, moix haemh yungh duenh

seizgan vunz yawj densi lai de bo sinhvwnz Vahcuengh Denzlinz, neiyungz miz seizsaeh cwngci、comzyawj ndaw yienh、cwngcwz bangbouj hawj vunzlai souh’ik daengj gij saeh caeuj vunzlai ceiq depgyawj、vunzlai ceiq haeujsim de,

aeu Vahcuengh dangdieg daej bo. Ngamq hai bo ndaej song ndwen lai, aen cezmuiz neix gungh bo gak loih sinhvwnz 200 lai diuz, vunzlai ngaek gyaeuj naeuz ndei caemhcai qsaenq aen sezmuz neix.

(Dai Denhminj/戴天敏)